

## Psalm 27:8

# SOEK MY AANGESIG




*"Apostasy begins in the closet. No man ever backslid from the life and power of Christianity who continued constant and fervent in private prayer. He who prays without ceasing is likely to rejoice evermore." Adam Clarke*

**Bid die volgende sake deur in die volgende 30 minute of dan tot waar jy kom.**

### **Inleidend : Kom ons raak stil voor God**

**Eksodus 25** <sup>10</sup>“Julle moet ’n ark van doringhout maak: een en ’n kwart meter lank, ’n driekwart meter breed en net so hoog... <sup>16</sup>In die ark moet jy die getuienis van die verbond sit wat Ek jou sal gee. <sup>17</sup>“Dan moet jy ’n deksel van suiwer goud maak, een en ’n kwart meter lank en ’n driekwart meter breed. <sup>18</sup>Maak twee gerubs van geslae goud op die kante van die deksel, een links en een regs. <sup>19</sup>Die gerubs aan weerskante van die deksel moet so gemaak word dat hulle ’n eenheid met die deksel vorm. <sup>20</sup>Hulle vlerke moet uitgesprei wees oor die deksel, sodat hulle dit bedek. Die gerubs se gesigte moet na mekaar toe wees, en hulle moet afkyk op die deksel. <sup>21</sup>Jy moet die deksel bo-op die ark sit en daarbinne die getuienis wat Ek jou sal gee. <sup>22</sup>“**Dáár sal Ek jou ontmoet. Ek sal met jou praat van die deksel af tussen die twee gerubs uit wat op die ark met die getuienis is.**

**Die verbondsark wat Moses moes maak was is in die Allerheiligste deel van die tabernakel. (sien prentjie hieronder). Dit is waar God Moeses ontmoet en met Hom praat. Hebreërs 10** <sup>19-22</sup> **leer dat deur Jesus se kruis is die voorhangsel wat die heilige en allerheiligste van mekaar skei nie meer daar nie. Ons het nou** <sup>19</sup> **...deur die bloed van Jesus** **vr̄ye toegang** tot die (allerheiligste) heiligdom, <sup>20</sup> en dit op ’n weg wat nuut is en na die lewe lei. Hierdie weg het Hy vir ons gebaan deur die voorhangsel heen, dit is deur sy liggaam. <sup>21</sup> En terwyl ons Hom ook as groot priester oor die huis van God het, <sup>22</sup> laat ons tot God nader met ’n opregte hart en met volle geloofsekerheid.



**Spandeer ’n paar minute om oor hierdie kragtige saak na te dink. God sê vir jou en my sedert Jesus se kruis en opstanding: **Dáár (in die allerheiligste) sal Ek jou ontmoet. Ek sal met jou praat...****

**Raak stil en sien jouself soos Moses in die teenwoordigheid van God. Sien God op sy genadetroon en buig voor Hom in aanbidding. Vra Hom om jou in hierdie oomblikke te ontmoet: “Vader deur Jesus Christus dank ek U vir hierdie heilige oomblikke saam met U. Vader, ek vra dat u**

**Gees my nou sal lei in ’n ontmoeting met U. Help my om U te aanbid in Gees en in waarheid. Kom O Skeppergees, lei my in die volgende tyd van gebed asseblief.**

## 1. SAAM MAAK ONS U NAAM GROOT ( 5 min)

### Ons bid die Woord oor die Name van God


**Vader:** Abba Vader ek wil U Naam groot maak. Ek eer U as Adonai (God ons Regeerder) en as die Allerhoogste, Barmhartige en Genadige God. Ek roem U as ons Bergvesting en die Bron van alle standvastigheid en bemoediging. U is die Vader wat Hom ontferm oor ons, die Een wat wonders doen, die lewende God. U is Elohim die Een wat Usself as EK IS openbaar. U is El-Shaddai (die Algenoegsame; Die Een wat Bevredig). U is El Gibbor (Magtige God). Vader dankie dat ek U so mag ken en eer.

**Seun:** Here Jesus saam met Paulus (Filip 2:) bid ek dat <sup>6</sup>U wat in die gestalte van God was, het U bestaan op Godgelyke wyse nie beskou as iets waaraan U moes vasklem nie, <sup>7</sup>maar U het Usself verneder deur die gestalte van 'n slaaf aan te neem en aan mense gelyk te word. En toe U as mens verskyn het, <sup>8</sup>het U Usself verder verneder. U was gehoorsaam tot in die dood, ja, die dood aan die kruis. <sup>9</sup>Daarom het God (die Vader) U ook tot die hoogste eer verhef en U die Naam gegee wat bo elke naam is, <sup>10</sup>sodat in die Naam van Jesus elkeen wat in die hemelen op die aarde en onder die aarde is, die knie sou buig, <sup>11</sup>en elke tong sou erken: "Jesus Christus is Here!" tot eer van God die Vader. Dankie Here Jesus vir U voorbeeld, U gehoorsaamheid en U getrouheid. Dankie Here dat U uit liefde vir my vir die pad van die kruis gestap het en dat ek deur U nou vrede met God mag ervaar. U Here Jesus is die Alfa en die Omega - ek bely: U is die Christus die Seun van die lewende God, U is my Here en my God. U het gekom sodat U kinders die lewe mag ontvang, die lewe in oorfloed.

**Heilige Gees** U is die Helper, Advokaat, Bemoediger, Leidsman en die Here wat my onderrig in die waarheid. U is die Gees wat my onderrig, lei, oortuig en bemoedig om elke dag meer en meer soos Jesus te word. U is in my lewe en ek eer en verheerlik U.

**Drie-Enige en Almagtige God – Vader, Seun en Heilige Gees**, saam met die ander bidders in U gemeente vergader ons vandag om U Naam te verheerlik. U is die Skepper van die hemel en die aarde. Daar is niemand soos U, heilig en regverdig in al U weë nie. Ons onderwerp ons aan U gesag as die Koning van die heelal. Ons bid almal saam om U op die troon van ons harte te plaas en om U voor die wêreld te eer. In die woorde van **Psalm 103** (Verwerk)bid ons: *Here Ek loof U, met alles wat in my is. Ek besing U heilige Naam. Ek loof U Here want aan U liefde en goedheid is daar geen einde nie. Ek loof U want U is waardig om al die lof te ontvang, al die eer, al die heerlikheid en majesteit . <sup>2</sup>Ek loof U Here en vergeet nie een van U weldade nie. U weldade is so groot*

## 2. Soek My aangesig deur vir persoonlike herlewing te bid (5 min)



Vra jouself die volgende vrae:

- Is daar onbelyde sonde in my lewe?
  - Het ek onvergewensgesindheid en bitterheid in my lewe?
  - Is daar enige twyfelagtige praktyke of aktiwiteite in my lewe?
  - Gehoorsaam ek die Heilige Gees dadelik in alle dinge?
  - Bely ek Jesus onbeskaamd?
- Vra die Heilige Gees om jou te help en bely jou sondes vor die Here

## 3. Soek My aangesig namens ongeredde familie, vriende of individue (5 min)

1. \_\_\_\_\_ 2. \_\_\_\_\_
3. \_\_\_\_\_ 4. \_\_\_\_\_
5. \_\_\_\_\_

Skryf die name neer (indien jy dit nog nie gedoen het nie). Bid vir hulle redding, dat die Here hulle sal seën (geestelik, sosiaal en emosioneel), en bid vir hulle fisieke behoeftes. Bid ook vir jou onmiddellike omgewing waar jy bly en vra dat die Here al die Christene wat lou geword het in hulle geloof weer tot bekering sal vernuwe.

#### 4. Soek Sy aangesig sodat Sy heerlijkheid deur ons gemeente sigbaar sal word (5 min).

1. Ons bid vir ons **gemeente**:

- ✚ **Ons bid die Jabes gebed vir ons gemeente:** “ Here soos Jabes van ouds pleit ons: Stort U seën oor ons gemeente. Vergroot ons gemeente se grondgebied, hou U hand by ons en weerhou onheil van ons dat ons nie pyn ervaar of smart veroorsaak nie.”
- ✚ **Heilige Gees ons bid vir wysheid in ons gemeente se geestelike beplanning.** Ons vra vir insig in hoe U wil hê dat ons gemeente ons visie **Meer en meer soos Jesus**, sal utiveef. In besonder bid ons dat U sal lei rondom
  - **geestelike groei** (hoe ons moet beplan rondom selgroepe, bidgroepe en ander kleingroepe, asook enige ander saak ter sprake om kragtiger te kan groei.)
  - **uitwendige groei** (hoe ons inderdaad dissipels sal kan wees in die UAE sodat hierdie land bereik kan word met die evangelie van Jesus Christus. Hoe moet die strategie wees wat ons as gemeente moet volg om ander tot bekering te help lei, veral die SAKANERS wat afgedwaal het)
  - **verhoudingsgroei** (hoe ons net sterker in ons verhoudings na mekaar toe kan groei)
  - **aanbiddingsgroei** (om net meer en meer soos Jesus te word in elke faset van ons lewe)
  - Ons vra dat U sal lei in die opstel van die vraelys wat aan die gemeente uitgestuur gaan word.
  - Ons vra dat U die hele proses sal begelei en só bestuur dat elkeen wat deelneem duidelik onder U beheer sal optree.
- ✚ **Ons bid ook dat U ons gemeente sal help met ‘n groter plek om op Vrydae-oggende te aanbid.** Ons beleef die groei in Jebel Ali en pleit vir U wysheid, leiding en oopmaak van deure vir meer ruimte.
- ✚ **Here Jesus ons bid ook vir hierdie maand (Augustus) se 31 Dae gebed en die Bybelstudie oor Secrets of the Vine** van Bruce Wilkenson wat ons gemeente saam deurwerk. Ons vra dat elke lidmaat wat deelneem die vrugte sal lewer van Johannes 15.
- ✚ **Here ons vra dat U ons sal help met die voorbereiding vir die 30 dae gebed vir die Moslems gedurende Ramadan.** Ons bid dat U die prediking en die dagstukkies voorbereiding sal seën en dat ‘n baie groot getal lidmate sal deelneem.
- ✚ **Heilige Gees ons bid vir U leiding met 25 Oktober se Familie-Saterdag met Elza Meyer en haar span.** Ons kom bid vir die **praktiese voorbereidings** (die reëlings met die vlugte en visas, die bespreking van die Christ Church se hoofsaal vir beide Vrydag (die oggend erediens) en Saterdag asook vir die kosreëlings vir die twee dae); In besonder bid ons vir die geestelike voorbereiding van die verskillende mense wat bedien naamlik vir Elza Meyer wat die vroue en manne bedien, Johan Smit en sy vrou wat die jeug, jeugleiers en ouers bedien, die musiekspan vir die lof en aanbidding . Maar veral bid ons dat lewens aangeraak sal word en harte sal verander. Ons bid dat U Elza kragtig sal gebruik as instrument om manne en vroue nader aan Jesus te bring. Ons bid ook vir die jeug wat deur Johan Smit bedien gaan word. Wil U ons help met die beplanning vir die jeug vir daardie dag. Wil U gee dat daar ‘n groot klomp jongmense sal wees wat aangeraak sal word en sal verbind tot ‘n lewe aan U. Ons pleit in afhanklikheid Heilige Gees dat U die voorbereiding sal seën en dat almal, wat op die dag teenwoordig sal wees, die teenwoordigheid van God sal beleef. Ons bid dat Jesus daardie naweek waarlik verheerlik sal word. Ons bid ook vir die bemerking van die naweek dat ons ‘n maksimum aantal mense sal trek en dat ouers en kinders sal bywoon. Ons bid vir die beplanning en dat U ons sal lei in die beplanning rondom die naweek met insig en wysheid.

- ✚ **Vader ons bid vir Dr Alvin Vander Griend se besoek volgende jaar met ons gemeente se driejarige viering.** As dit U wil is dat Hy die naweek moet kom bevestig dit asseblief.
- ✚ **Hemel Vader ons bid vir elke bedieningspunt wat deel uitmaak van ons gemeente:** Ons dank U vir die groei oor die afgelope maande. Ons dank U Here vir elkeen wat help met die opstel van klank, die regskuif van stoele, die voorbereiding van die nagmaal, , die intersessors tydens en na die dienste en vir elke persoon wat help met die tee, koffie en verversings na die dienste. Dankie vir elke persoon wat betrokke is by die toerusting van ons jeug. Dankie Here dat U mense so gewillig maak.
- ✚ **Here Jesus ons bid vir die eredienste wat elke naweek gehou word en in besonder eerskomende naweek. Ons bid en pleit**
  - Dat ons gemeente U Heerlikheid sal ervaar tydens eredienste
  - Dat ons in Jebel sal kan begin met 'n orkes begeleiding en dat U vir ons menses al stuur om so te kan bedien. Ons dank U vir die span wat stadig maar seker bymekaar kom,
  - Dat ons mense 'n heilige eerbied en vrees vir U sal hê
  - Dat die gemeente die draer en beskermer van die waarheid, 1Tim 3:14b, sal wees en dat die suiwer en ware Woord verkondig sal word en dat mense deur die Woord in hulle harte getref sal word en dat ons meer bekerings sal sien
  - Dat daar eensgesindheid onder gemeentelede sal wees en gemeentelede mekaar sal aanvaar soos Christus ons ook aanvaar het, tot eer van God
  - Dat gemeentelede mekaar sal respekteer, bemoedig en ondersteun
  - Dat gemeentelede geestelik volwasse sal (word) wees
  - **ook dat U 'n Engelstalige Erdiens deur ons in Mirdif of Sharjah sal vestig.** Ons weet daar is nie 'n Engelse kerk in Mirdif nie. Help dat ons hierdie bediening in September sal kan begin.
- ✚ **Vader ons bring ons gemeente se Gebedsbediening voor U aangesig:**
  - Ons dank U vir die L.I.G. – Huis bediening wat U in ons gemeente kom vestig het. Ons bid dat U ons 'n Lewend In Gebed (L.I.G. – Huis) sal hou. Ons vra dat U net nog meer bidders sal opwek om U Koninkryk hier in die UAE deur gebed te help groei.
  - Ons bid dat ons gebedsendelinge sal wees en ons stry saam met ons sendelinge Gerrit en Hannelize Kleynhans en gesin in Malawi en vir Charl de Bryun en gesin in Morroko. Ons bid Here dat U hulle veilig sal hou tussen al die ongelowiges ( Rom 15:30-31). Ons bid vir vrug op hulle arbeid en ***dat daar uit die heidennasies (in Malawi en Morokko) 'n offergawe mag wees wat vir God aanneemlik is en deur die Heilige Gees geheilig is (Rom 15:16).*** Dankie Here vir U liefde en genade.
  - Ons vra ook Here dat ons 24 Uur Gebedswag sal uitbrei en ons algaande by 'n 24/7 Gebedswag vir ons gemeente sal uitkom. Ons bid volhardend dat ander gemeentes by ons sal aansluit sodat daar uiteindelik elke dag 'n gemeente of gemeentes sal wees wat deel uit maak van 'n 24 uur van gebed 7 dae 'n week vir elke dag van die jaar in die UAE. Help ons om op hierdie weg sinvolle beplanning te kan doen.
  - Ons dank U Here vir die nagenoeg 70 bidders wat aan vandag se 24 uur deelneem.
  - Ons bid vir meer gebedsgroepe wat gereelde weeklikse gebedsbyeenkomste hou van 19:00 – 21:00 eenmaal per week. Ons dank die Here vir die bestaande gebedsgroepe wat gereeld op Woensdagaande byeenkom en die nuwes wat intussen bygekom het.
- ✚ **Here Jesus ons bid vir ons gemeente jeug.**
  - **vir ons kinderkerk dienste**
    - bid ons vir leiding rondom die geestelike boodskap en kleingroep aktiwiteite wat gevolg word by die kinderkerk
    - dat elke kinderkerk 'n geestelike ervaring sal wees en dat die kinders werklik vir U sal ontmoet en leef-Christene sal word

- **dat ons gemeente jeug effektief bedien mag word** en dat U ons genoegsame onderwysers sal gee om ons kinders toe te rus en ouers wat hulle kinders se opleiding sal ondersteun deur self by die kerk betrokke te bly. Ons bid
  - dat alle beplanning, volmaak binne GOD se wil sal wees. Ons bid in besonder vir eerskomende Saterdag 23 Augustus 2008 se jeugbeplanning en vra U wysheid en insig.
  - vir kragtige groei onder ons jeug en dat ons jeugbediening in Sharjah, Dubai, Abu Dhabi en Al Ain elke jongmens sal bereik
  - volhardende, volgehoue gebed waardeur die geestelike stryd vir die jeug gestry kan word en dat U Here ware bidders na vore sal laat kom
  - elke lid van die jeugbediening, vir hulle beskerming teen die strategiese planne van die vyand

**✚ Heilige Gees ons bid vir die uitbreiding van ons selgroepe en vra**

- dat U die leiers sal gee wat ons selgroepe moet lei asook die harte van mense sal oopmaak om by selgroepe betrokke te raak. Ons vra
- dat U ons selgroepe sal gebruik as 'n evangelisasie middel om ander in te trek wat aan die kant staan of afvallig geraak het.

**✚ Ons bid dat ons gemeente meer en meer soos Jesus sal word in ons liefde** en die vrug van die Gees in Gal 5: <sup>22</sup>...*liefde, vreugde, vrede, geduld, vriendelikheid, goedhartigheid, getrouheid, <sup>23</sup>nederigheid en selfbeheersing*, duidelik sigbaar sal wees.

1. Ons bid dat **God se Eer die fokus** van ons lewe sal word, wees en bly. Ons wil met ons lewe die eer van God soek in alles wat doen
2. Ons bid vir al ons **ander gemeentes in die UAE en die kerk wêreldwyd**
  - Dat gemeentes herstel sal word as huise van gebed vir al die nasies (Jes.56:7; Matt.21:13)
  - Dat gemeentes die Groot Opdrag sal uitvoer – om die Evangelie aan alle nasies te bring (Matt.28:18-20)
  - Dat gemeentes die Groot Gebod sal uitleef – dat hulle na hul gemeenskap op relevante wyse sal uitreik met dae wat getuig van liefde en meegevoel (Matt.22:37-40)
  - Dat die Kerk Woord-getrou sal wees
  - Vir die herstel van verhoudings binne gemeentes en ook tussen plaaslike gemeentes waar daar verdeeldheid, trots, jalousie en na binne gerigtheid bestaan.

**5. Soek Sy aangesig vir persoonlike behoeftes (5 min)**

1. \_\_\_\_\_
2. \_\_\_\_\_
3. \_\_\_\_\_
4. \_\_\_\_\_
5. \_\_\_\_\_

**6. Soek Sy aangesig deur te waak en te luister (5 min)**

- **Die Here sê vir Moses dat Hy hom sal ontmoet en met Hom sal praat. *Dáár (in die allerheiligste) sal Ek jou ontmoet. Ek sal met jou praat...*** Vra dat die Here nuwe dinge aan jou sal bekendmaak, dinge waarvan Hy wil hê jy bewus moet raak en op moet let. Vra dat Hy Sy wil en sy planne/strategieë aan jou sal bekendmaak. Vra Hom na die dinge wat op Sy hart is waarvoor Hy wil hê dat jy moet bid. Wees stil en luister wat Hy vir jou sê. Skryf neer (hou dagboek) wat jy van Hom hoor.
- Sluit af deur vir die volgende persoon wat bid in die volgende halfuur, aan die Here op te dra en te vra dat die Here hom/haar sal seën.
- Dank die Here vir die geleentheid om deel te kon neem aan die 24 uur van gebed.